

٤ ربیع الاول سنه ١٣٢٧

جمعه

١٣ مارت سنه ١٣٢٥

صاحب امتیاز و مدیر مسئولی
حسن کاظم

غزته مزك مسلكه موافق
اوزاق قبول و درج اولنور

درج ایسلیان اوزاق اعاده
اولنماز

اعلانات و سائره ایچون
اداره یه مہراجعت
ایدملیدر .

ایکلافیہ

رہبر شریعت محمدیہ ، کافل حقوق عثمانیہ ، خادم ملت اسلامیہ در

شمذیک منتظماً جمعه کونلری نشر اولنور

نسخه سی ١٠ پاره در

نومرو ٢

سر محرری : علی فواد

آپونہ سی سنه لك اعتباریله
ممالك عثمانیه ایچون ٢٥
وممالك اجنبیه ایچون ٣٥
غروشدر .

محل اداره :

ترجمان حقیقت
مطبعه سی

اتحاد علميۀ اسلاميه

علمای کرامک بويله براتحاد و اتفاقيله فضای معرفت انوارلا هوته طولدی (العلماء اناء الرسل) فحواستجه غلله انيسای عظامک امينه ليردر . سعادت عبادۀ مصروف احوال واحکای اونلر دها کوزل بيلير بيلدکری ده خلقه نشر و اعلان بيورد . جناب « فاطر السموات » کتاب اقدسده مکتوز مليونلرجه مسائل شرعيه و سياسيه نك مفتاحی ايادی علمایه توديع بيورلدیغندن حصۀ عبادی توزيعه مأمور اونلردر . نه چاره که استبدادک دهشتلی زمانلر نده ایکی عالم بر آرایه کلويده حقوق عامه یی دکل . مصالح ذاتیه سی بيله بحث ایدمه مزدی . شودورلو عارضه لرله علمانک غریب مسجدرده کی کرسيلر اوزر نده حزين و متحسر انه صدرلر ندين بشقه نه ایشیدیلوردی . حقنزلری تلغین ایدن آیت الیهی دن هانکیسی تفسیر ایدیوردی . تمثال جهالت اولان جاسوسلرک دست آغلبندن کریان تدریسی قورتاران کیمدر ؟ ساده اذهان عامه دن بسله تن مدهانته لی یالیزلی سوزلری سرمایه مقال ایتمکدن بشقه نه یاییلور ایدی . اسرای بنی اسرائیل کی تتره یی واعظلرک حکایات غریبه سندن بشقه هانکی حقیقت ایشیدیلوردی عالملر حق و حقیقی سویلردی امانه لرده اوغرا مازدی . سطوردن صدوره انتقاله قناعت ایدن بونجه علوم عالییه صاحیلله حدنسیانه کیدردی روموزات قرآنییه دکل احکام مشروعه نکهده تنقیدینه مجال اولمازدی . یوکا شاهد ایسترسکر اوز سنه اول ایوب سلطان جامع شریفنده (ما تا کم الرسول ...) الخ فرمان یاهر البرهانی مهما امکن تفسیره جراتیاب اولدیغنه مقابل مسلك علمیدن بکله دیکم هر دورلو آمال و فیوضادن محروم ایدیلرک ملکتمه تبعید ایدلدم مسلك جلیل علمده کال هوسله امر تدریسک ایفاسنه بذل اهتمام ایتدکسه برتیر جلاده هدف اولان تدبیرم کری قالدی . بوکون امثاله نسبه مغدورین علمیه دم . بو ایشلر بون فائده سی کندی قارداشلر نك ضرر نده آرایان خفیه غونه خونه سنک ملته مستولی اولسندن ایلر و کلشدر . اله الحمد اونلرده بر طرف اولدی شومسله یی ستونلر طولوسینجه یازمق نأره وجدانی تسکین ایدمه مز . آنجق بیان حق نیته شو قدر جق یازم بیلدم . حریتله مساوات قاعده لر ی مقتضای عدالت دگی او حالده آناتولینک بر زاویه مظلمه سندن طنین انداز اولان بعض احوالی دکلده قانون عدالت جهل سندن . بنابرین حسیات وجدانی قرحه مک سسوقه تابع طوته رقی عرض کیفیه ثابرت ایلر ده دیرمه (ای معاشر علما) بوندن صکره بزم ایچون ملاحظه ایدیلرک بر شی وار ایسه اوده حقوق عمومیه ره رعایتله احکام کتانی میدانه قویمق آیات عظامی تجربه اوغرا تیه رقی تنقیض و تزئیددن صافتمق ، مقتضای علمله عامل اولقدن . ابو

حفص کیرایام بیضک فضیلتی سؤال ایدنلره جواب ویرمیش . بر آی صکره بیان بیورمشدر . سبی سؤال اولندقه اولان بن اوکونلرده صائم اولدم بالاخره سزه اعطای جوابده بولندم دیش (انامرون الناس ...) الخ نص جلیلی جهل مزک مطمح نظری اولیلدر . جهل مز مأموریت حاضره مز ی ایضا ایله رضای باری یی کوزده دم ملک و ملت مزک بزدن بکله دیکي خدمات مدحومه مز ی تنفیذ ایدم (اصلاح عالم) علم علمایه وابسته در . بیک اوچوز بو قدر سنه اول دنیا ظلمات جهالتک زبونی ایکن شمس تابان رسالتک طلوعیله جزیره العربی بردن قاپلایان اشعه ترقی اوغرضه واسعه یه صیغیه رقی عظمت فروشانه طاشمش . آفریقایه طوغری یاییلمش سرعتی تسکین ایدمه مبرک بری طرفدن متهای چینه واصل اولمشدی . بوکون اللرده بولتان دساتیر علوم او رحله تدریسک فائده لر ی جهل سندن در . علمای عربک یتشدر دیکي کلین عظام بر آرائق اندلس ایالتی انوار فضیلتله جنت آساشله دار ایلشدی . ابن سینالر ، محی الدینلر فارابیالر او اقلیمک محصول مساعیسی دگی ؟ فضلا ی اسلامیه دن هانکیسی تذکار ایدم (ولکل درجات) غوای جلیلی آیری آیری عمومک منافعه دلیل واضدر . بحر رسالتدن موج ایدن علوم جلیله بشون جزیره العربیله آفریقای مالامال فضائل بیوردقند صکره زمیه نك الیوم باعث فلاحی اولمقدن در . مابعدی وار

ارزنجان مدرسین کرماندن
احمد مقداد

حقیقت ایمان و اسلام

« برنجی نسخه دن مابعد »

برنجی مقاله مزده بیان اولندیغی اوزره امام فخرالدین و اکثر متکلمین بیان بیوردیلرک مقام ایمانده کی نزاع نزاع لفظیلدر . زیرا ایمان زیاده و نقصانی قبول ایتمز . دینلر امام اعظم ایله اتباعیلدر . حقیقت ایمانی مراد ایدرلر . و ایمان زیاده و نقصانی قابلدیر دینلر . ائمه ثلاثه ایله مقلدلریدر . ایمانک ثمرات باطنیه ، و فیوضات قلبیه سی مراد ایدرلر . بو اعتبار ایله ایمانک طاعات ایله زائد و معاصی ایله ناقص اولدیننده شبهه یوقدر . و بالجهل حقیقت ایمان بحسب الذات زیاده و نقصانی قابل دکلدر . لکن بحسب الوصف قابلدر . و بحسب الوصف قابل اولسی بحسب الذات قابل اولماسنه منافی دکلدر . زیرا جهتین مختلفه در . حقیقت ایمان بحسب الذات زیاده و نقصانی قابل دکلدر . دین بحسب الوصف قابل اولسی منع ایتمز . و بحسب الوصف قابلدر . دین بحسب الذات قابل اولماسه سی رفع ایلمز . ایمانک مخلوقیت و غیر مخلوقیتی حقیقه بر سؤال وارد اولورسه جواباً دینلورکه ایمان یاتصدیقدن عبارتدر . فقط یاتصدیق و اقراردن عبارتدر معاً و یاخود تصدیق اقراردن عمل ارکاندن کنایه در ، و شک یوقدرکه بونلر قولک فعلیلدر .

وقول جمیع افعالیله جناب جهان آفرینک مخلوقیدر ابو معین نسفی بحر الکلام نام کتابنده بیان بیوردرکه مذهب اهل سنتده ایمان عبدک فعلیلدر . هدایت رحمانی ایله ایمان مخلوقدر و یاخود غیر مخلوقدر دیمین بلکه دیرزکه ایمان قولدن لسان ایله اقرار و قلب ایله تصدیقدر و جناب باریک هدایت توفیقیدر . و تعریفی حقدن و معرفت و تعریف قولندر هدایت حقدن استبداد قولندر . هر شی که حقدندر مخلوق دکلدر و هر نه شی که قولندر مخلوقدر . زیرا حق تعالی جمیع صفاتیله غیر مخلوقدر و قول جمیع صفاتیله مخلوقدر صفات اللهین بر صفت هیچ بر وقت صفات عیددن بر صفته مشابه دکلدر . واجب تعالی یه ایمان ایتک خلاق عالم حقدنه واجب اولان صفات کالیه ایله متمتع اولان صفات نقصانی و جائز اولان صفاتی . بیلوب اعتقاد ایتکدر . ایمان اجمالی و تفصیلی ناملریله ایکی قسم اوزرینه اقسام ایتمشدر ایمان اجمالی حقدنه کال ایله متصف و هر درلو نقصاندن منز اولدیغی و تحت امکانده اولان هر شی ایجاد و یاترک بیورمسی جائز اولدیغی قصداً اعتقاد ایتکدر . ایمان تفصیلی بیلنوب اعتقاد ایدلمسی واجب اولان اوصاف پروردگار اون درتدر . بونلرک التیسی صفات معنویه در که شونلردن عبارتدر . وجود ، قدم ، بقا ، مخالفت اللحوادث ، وحدانیت قیام الذات سکری دخی صفات ذاتیه ثبوتیه در که شونلردن علم ، اراده ، قدرت ، حیات ، سمع ، بصر ، کلام تکون دن عبارتدر .

بزم طلبه مز و غزیه مزک سر محرری علی فؤاد

افندی اشبو اوصافک هر برلری حقدنه بر مقاله

یازمجهنی درعهده بیوردی . مابعدی وار

آیا صوفیه جامع شریفی درسما لردن

قیر شهری عمر

عقائد فرقه محمدیه و اثبات اعتقاد اهل سنت

« برنجی نسخه دن مابعد »

خدا عز وجل حضرتلر نك علمندن هیچ بر شی خارج قالمازهر کیمکه باری تعالی نك اشیا ایله علمنی او اشیا نك نفس و ذاتیلدر دیرسه بو صورتده حقیقت علمی نفی ایدوب انجق علمک ارتساماً اولدیغی اثبات ایدر بوراسی محتاج تدقیقدر جزئیات غیر متغیره یی وجه کلی ایله فصل عالم ایسه جزئیات متغیره یی دخی جمیع وجوه و وجه کلی ایله عالمدر حکمانک جزئیات متغیره یی عالم دکلدر دیدکری باطلدر . بونلر برده نارفقه کیدیسورلر که بونی بیلیمورلر اصول فلسفه یی تقلید و هوا و هوسلرینه کوره تسویدا ییدن بعض فیلسوف مشرب کیمسلر مذهب حکمانی اختیار ایتکه یلتنورلرک بک یازقدر اگر حکمانک دیدکری کئی جزئیات متغیره یی عالم دکلدر دیرایسه ک خالق کائنه برحالت منتظره اسناد ایتش اولورز . جزئیات متغیره جزئیات غیر متغیره کی داخل علم واجب الوجوددر عالم